

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile Phone +670 77999304/ 77236782/ forumong.tl@gmail.com, joao.fongtil@gmail.com/ <https://fongtil.org.tl/>

RELATÓRIU MONITORIZASAUN VASINA SEMANA DASIA

16–19 Agosto 2021

Introdusaun

Forum ONG Timor-Leste kontinua enkoraja membru ONG sira hodi kontinua halo monitorizasaun ba Vasina iha territóriu tomak atu aseguira iha retroasaun (feedback) hodi garante prestasaun servisu mak iha kualidade, efikásia no inkluzivu. Asegura comunidade ninia direitu hodi asesu ba informasaun importante husi vasina no asesu ba vasina ho konsiénsia rasik no aseguira iha retroasaun ba públiku hodi hasa'e partisipasaun públiku iha vasina hanesan meius hodi kontribui ba prevensaun COVID-19. Rezultadu analiza dadus sira ho apresentasaun persentajen deit hodi hatene ba variavel sira ne'ebe sidauk iha mudansa signifikante hodi nune'e sai referensia ida atu bele hadia diak liu tan dezafiu sira.

Nune'e iha loraun 16-19 Agosto 2021, membru Forum ONG Timor-Leste - FONGTIL halo monitorizasaun iha munisipiu 6 hanesan, iha Liquica (Sentru Saude Maubara), Lautem (Sentru Saude Lospalos vila, Sentru Saude Iliomar, Sentru Saude Lautem no Sede suku Daudere), Manufahi (Sentru Saude Turiskai), Bobonaru (Postu Maliana, sede Suco Ritabou, Sentru Saude Balibo, Postu Saude Goulolo Postu Administrativo Cailaco), Ermera (Postu administrativo Letefoho Suku Dukurai Aldeia Hatuhei, Suku Lauana aldeia Lebudasa), Manatuto (Sentru Saude Manatuto Vila) Fatin tarjetu sira mak hanesan tuir mai:


No	Organizasaun mak Halo Monitorizasaun	Peskizadór	Munisipiu	Tarjetu Monitorizasaun	Data
1.	Radio Comunidade Tokodede	Eduardo Tchea Exposto	Liquica	Sentru Saude Maubara	16-18 Agosto 2021
2.	Luta ba mudansa	Felix Sarmiento	Manufahi	Sentru Saude Turiskai	16-18 Agosto 2021
3.	FUNERO	Rosita da silva	Lautem	Sentru Saude Lospalos	16-18 Agosto 2021
4.	PROSPEK	Clementino da Costa		Sentru Saude Lautem no Sede Suku Daudere	17 Agosto 2021
5.	A.HFTL	Jose Marques/Marcos Soares		Sentru Saude Iliomar	17 Agosto 2021
6.	IMI	Joanico de Deus	Ermera	Letefoho suku	17 – 18

		soares		Dukurai Aldeia Hatuhei, Suku Lauana Aldeia Labudasa	Agosto 2021
7.	Asosiasaun Moris Foun Manatuto	Januario Natalino Soares da Silva	Manatuto	Sentru Saude Manatuto Vila	16 – 19 Agosto 2021
8.	Fundasaun Haburas Moris	Bernardo Soares & Honoria Gusmao, Leopoldina de Fatima dos Santos # Agrefina dos Santos de Jesus, Cipriano Roza Amaral, Leopondina de Fatima dos Santos	Bobonaro	Postu Maliana, Suco Raifun Villa, Aldeia Raifun, Postu Maliana, Suco Odomau, Aldeia Genu'haan, Postu Cailaco, Suco Villa, Aldeia Fatuk Laran, Postu Balibo, Suco Leo-Hito, Aldeia Faluwai	16 to 8 Agosto 2021

Análize no Deskobertura

Rezultadu Deskobertura no rekomendasaun sira ne'e, sei iha ligasaun ho deskobremetu no rekomendasaun dahuluk, maibé jerálmente nota katak depois ONG sira halo monitorizasaun iha mudansa lubuk ida ona, liu-liu taxa partisipasaun, porezemplu iha Centro Saúde Komunidade Manatutu vila, husi monitorizasaun AMF deskobre katak partisipasaun aumenta tamba servisu hamutuk ho autoridade lokal sira no PNTL sira oinsa halo kampana iha suku no postu administrativu no administrador sira fo orientasaun ba chefe suku sira oinsa mobiliza comunidade no involvimentu sosiedade sivil nian mos kontribui ba partisipasaun tamba Pesoal saude no ekipa sira fo fatin ka oportunidade mos ba AMF hodi esplika ba comunidade sira, maske nune'e sei iha preokupasaun balun mak kontinua, bazeia ba monitorizasaun durante loron 16-18 Agosto 2021.

Análize jerál hatudu bazeia ba kritériu jerál monitorizasaun nian, konsiénsia no koñesimentu comunidade hodi kumpre regra sira iha fatin vasina hahu hatudu progressu nebe nia valor naton ona kompara ho rezultadu monitorizasaun semana hirak kotuk nebe sei menus, ida ne'e hatudu iha grafiku persentajen ne'ebe sei bo'ot , hanesan distansiametu sosiál, comunidade la uza maskra, atu garante laiha tranzmisaun iha fatin vasina. Pontuasaun 1 signifika la diak, pontus 2 signifika naton, pontus 3 signifika diak liu sentru vasina sira nebe halao. Grafiku sira iha kraik hatudu progressu balun no balun seidak iha progressu mudansa tuir rezultadu monitorizasaun semanal ne'ebe OSS sira halo hanesan tuir mai ne'e:




Grafiku iha leten tuir sentru saude ka fatin vasina nia nebe OSS observa no identifika katak sentru saude maubara, sentru saude lospalos, sentru saude iliomar no sede suku kaimauk (postu turiscail) iha fatin vasina sira ne'e progresu diak ona maibe kontinua nafatin servisu makas oinsa hadia nafatin prestasaun servisu publiku sira ho diak liu tan.

Iha sentru saude lautem, suku ritabou, sentru saude balibo, postu saude goulolo cailaco no sentru saude manatuto vila sei iha kategoria naton tamba prosesu atendumtu no taxa partisipasaun mai ladun ativu no fasilidade sira nebe uja sei limitadu hanesan EPP sira doutor ka pesoal saude sira la uja.

Iha suku Daudere, suku Lauana, suku Dukurai ne'e tama iha kategoria la diak tamba menus fasilidade saude nian, distansiamtu sosial la iha, komundade barak la uja maskra no taxa partisipasaun iha maibe kiik presija esforsu nafatin oinsa bele hadia diak liu tan. Iha suku daudere taxa partisipasaun as no komundade barak mai vasina maibe numeru mak peskizador la konsege iidentifka lolos maibe iha mudansa naton.

Grafiku 2: Valor percentajen kada indiakador ba monitorizasaun vasina



Deskobrimentu ne'ebe rejista iha monitorizasaun ba semana ida ne (16 to 19 Agosto 2021) grafiku 2 sei hatudu katak comunidade sira ne'ebe ba simu vasina barak mak komesa kumpri protokolu saude hanesan komesa uza maskra, fase liman ho sabaun maibe la iha distansiamentu fiziku iha fatin sira nebe laos iha sentru saude maibe fatin vasina tau iha sede suku sira, maibe wainhira mai fatin vasina no mos iha fatin vasina espasu ne'ebe atu akomoda comunidade klot no la organiza ho diak nomos iha fatin vasina la iha stock maskra atu fahe ba comunidade sira ne'ebe la uza maskra.

Taxa partisipasaun comunidade sira simu vasina tuir rezultadu monitorizasaun ba semana dasia nian (16 to 19 Agosto 2021) hatudu progressu diak, hosi monitorizasaun iha sentru vasina 12 iha munisipiu 6 hatudu katak iha sentru saude Iliomar comunidade sira mai simu vasina total final hamutuk 4,709 (feto no mane), taxa partisipasaun bot liu akontese iha Posto saude Iliomar (informasaun hato'o katak iha iliomar 85% mak vasina ona no 15% mak sidauk maibe tempu badak sei kompleta ba 100% vasina) iha munisipiu Lautem, Posto Saude Liquica Vila enkuantu taxa partisipasaun kik liu akontese iha Posto saude Cailaco, Balibo no Maliana Vila iha munisipiu Bobonaro. Hosi total comunidade nebe simu vasina iha semana ida ne'e nia laran taxa partisipasaun maluk ho defisiensi sira minimu tebes nebe hamutuk EhD nain 4 mak simu vasina no ida ne akontese deit iha Sentru Vasina Posto Iliomar.

Oinsa esforsu hodi hasae konsesnia comunidade nian kona ba imporansia simu vasina komesa iha ona maibe percentajen sei iha 56,52% ho nune'e nafatin esforsu an oinsa bele halo kampana no sosializa nafatin ba comunidade hodi hatene no comunidade labele konsumu informasaun Hoax ka falsu.

Prosesu atendentu pesoal saude nian iha facilidade saude sira komesa iha mudansa diak liu kompara ho uluk tamba komesa kumpri ona protokolu saude no esplikasaun ba comunidade sira ho diak no comunidade mos komprende didiak ona antes simu vasina no sira atende diak los.

Oinsa preparasaun lojistik no ai-moruk vasina nian iha facilidade saude suficiente ka lae, ida ne'e hatudu katak lojistik no aimoruk vasina nia presija atensaun makas tamba iha fatin vasina

balun ai mate prejudika tebes ba kuliadade aimoruk ka vasina nian. Lojistiku sira nebe apoiu ba servisu hotu-hotu ba vasina nian presija atensaun tamba numeru persentajen sei kiik liu 47,83% no tama ona iha kategoria naton maibe ita presija hadia diak liu tan hodi nune'e labele fo impaktu negativu ba komunidadade nia vida.

Kona ba Apoiu lideransa komunitaria ou parte relevante sira atu hasae taxa partisipasaun komunidadade iha vasina ne'e iha mudansa diak tamba komunidadade komesa hakbesik ona ba sentru saude sira no autoridade lokal sira no administrador sira apoiu ba ekipa sensibilizasaun kampana ba komunidadade sira oinsa atu bele ba vasina ho diak no seguru.

Taxa Partisipasaun komunidadade nian iha vasinasaun ne'e iha mudansa signifkativu tamba persentajen as ona hamutuk 65,22% ne'e signifika katak servisu sira entre autoridade lokal, postu adminsitartivo no municipiu sira komesa servisu makas ona no komunidadade barak iha ona konsensia rasik atu mai vasina hodi proteze an husi surtu kovid 19 maibe nafatin halo esforsu an oinsa autoridade lokal sira bele ajuda nafatin minsiteriu saude atu hasae taxa partisipasaun komunidadade nian.

Oinsa prespektiva komunidadade nian ou parte relevante sira kona ba vasina nian hatete katak atendentu doutor no pesoal saude sira fo atendentu diak no fasilidade no ekipamentu iha hotu hodi uja ba vasina no aimoruk vasina mos kompletu no doutor sira preparadu no formadu hodi atende komunidadade sira.

Oinsa kona ba progresu sira iha uluk nian hatudu katak semana ne'e iha progresu diak no mudansa barak tamba komunidadade barak mai vasina no rekomendasaun sira durante hato'o ne'e pesoal saude sira hadia maibe iha parte logistiku mak presija atensaun nafatin tamba liga ba kulidade vasina nian presija elektrisidade sira tenki fungsiona 24 oras hodi nune'e labele prejudika ba vasina nia kulidade.

Rekomendasaun Sira

Hare ba preokupasaun ne'ebe iha leten hakarak enkoraja nafatin governu ka ministeriu saude atu bele konsidera rekomendasaun sira hanesan tuir mai ne'e

- Ministerio Saude tenki buka meius adekuaudu atu garante taxa partisipasaun maluk Ema ho Defisiensia (EhD) sira atu ba simu vasina tanba numeru EhD nebe simu vasina kiik tebes.
- Hadian formulariu relatoriu diariu konaba numeru ema simu vasina kada loron hodi konsidera mos EhD sira iha lista ka formulariu refere
- Ministerio Saude tenki asegura fatin konservasaun aimoruk vasina liu liu iha sentru vasina balun nebe eletrisidade mate bebeik, tenki fornese jerador atu rezerva bainhira eletrisidade mate.
- Presiza buka nafatin meius oin-oin inklui servisu hamutuk ho autoridade komunitaria hodi hasa'e konsiensia komunidadade kona-ba vasina, tantu iha fasilidade saude sira nomos iha komunidadade liu husi sensibilizasaun informasaun kona-ba benefisiu husi vasinasaun liu liu ba komunidadade sira ne'ebe sei senti tauk simu vasina.
- Ministreio saude presiza garante nafatin stock ekipamentu prevensaun pesoal Covid19 iha fatin vasinasaun hotu no doutor no pesoal saude sira tenki uja EPP atu nune'e komunidadade bele fiar katak Covid 19 ne'e ejiste duni no hamutuk bele kombate hamutuk.
- Garante stock vasina iha fatin vasinasaun hotu hodi labele fo risku ba pesoal saude sira no mos dezanima komunidadade sira ne'ebe hakarak simu vasina
- Garante stock kartaun kinur iha fatin vasinasaun hotu

- Disponibiliza komputador iha sentru vasina sira atu nune komidade sira ne'ebe hakarak lori sira nia kartaun kinur (dose kompletu) ba rejista elektroniku
- Hadi'a aproximasaun liu-liu fó konsulta ba ema sira mak atu vasina, nune'e bele fó korajen, ema sira mak simu vasina sei sai promotór hodi konta istória di'ak ba ema seluk atu partisipa simu vasina.